庫全書

子部

卧定四庫

詳校官中書臣具 褒

主事臣祁韻士覆勘 總校官中書臣朱 校對官檢討臣王 謄録監生臣劉復善

鍾健

鈴

欠足四年 产野 百花的 自己公 要而審六長也所謂六要者氣 かいりのもの 細巧求力三也在怪求理四 變異合理三也彩繪有 明 六也所謂六長者魔由 唐順之 劉道醇 棋

婆塞夷門觀道流者尚孤閒清古觀人物者尚精神 金父で屋台書 大凡觀釋教者尚莊嚴慈覺觀羅漢者尚四象歸依 者尚馴擾擴厲觀花竹者尚艷麗閒雅觀禽鳥者尚手 **象者謂有四國王之子有婆羅門或四胡夷或比丘** 天觀畫之法見短勿試更求其長見巧勿譽及尋其拙 無墨求染五也平畫求長六也 謂有貴賤中外也仍觀折算衣紋停分形貌觀畜獸 廣記論畫 巻八十五 優 膛 四

觀屋木者尚壯麗深遠凡上折下算一 烟出没野運迂回松偃龍蛇竹藏風雨 畫有八格石老而潤水淡而明山要崔鬼泉宜洒落 しこり シ シナラ 匠 元饒自然云畫有十二忌一 置絹素於明静之室何神間意定然後入思小 翔舉觀山水者尚平遠曠荡觀鬼神者尚筋力變 横作亦同 二总 狎編 口布置迫塞凡畫山水 斜一直大率 饒 自 狄 幅 必

宋 此第一事也二曰遠近不分作山水先要分遠近使高 立於數十步之外審而觀之自見其可卻將淡墨筆 四傍球通庶幾瀟酒若充天塞地滿幅畫了便不風致 具取定之式謂之小落筆然後肆意揮洒無不得宜此 軸 低大小得 灾匹库全書 布山勢高低樹木大小樓閣人物一 腯 元君盤磷即脫之法意在筆先之謂亦須上下空 意經營若障過數幅壁過十丈先以竹竿引炭煤 宜雖云丈山尺樹寸馬豆人特約各耳若 W. 数 ~; 五 位置得所

易之論也三曰山無氣脉畫山於一 幼 とこり見いき一 水無源流畫泉必於山峽中流出須上有山數重則 山為主却從主山分布起伏餘皆氣脉連接形勢暎帯 樹木當大屋字人物稱之遠則峰巒樹木當小屋字 女口 說假如一尺之山當作幾大人物為是蓋近則坡 稱之極遠不可作人物 墨則遠淡近濃逾遠逾淡不 大謬也此全景大義如此若是透角不在此限 頂層疊下必數重脚方盛得住凡多山頂而無 狎綃 幅之中先作定 四 脚 E

笑 水也間有畫一 釤 源高遠平溪小澗必見水口寒灘淺瀬必見跳波乃 澒 之六日路無出入山水貫出遠近全在徑路分明 有紫 週者有空潤者有層疊者或多林木亭館者或多 物 好四周全書 要出沒或林下透見而木末復出或巨石遮斷而山 五口境無夷險古人布境不一有崒獐者有平遠者 露或隱坡雕以人物點之或近屋字以竹樹藏 船舫者每遇一圖公立一 **相山便畫一派泉如架上懸巾絕為** 一意若大障巨軸悉當如 徑

とこり日本日 描畫者眉目分明點級者筆力蒼古必皆衣冠軒昂意 **際悴按四時乃善九曰人物傴僂山水人物各有家數** 雕者多高直干霄多顶近水多根枝幹不可止分左右 當隨所學一家為法須要有頂有脚分稜面為佳八 樹少四枝前代畫樹有法大緊生崖壁者多纏錯生坡 **庶幾有不盡之境七曰石止一面各家畫石皴灋不** 二向須當間作正面背面一枝半枝葉有單筆夾筆 雅古作可法切不可以行者望者負荷者鞭策者 辉编 四

豐閣方寸之間向背分明桶連拱接而不雜亂合乎規 宜 短絕墨此為最難不論江邨山坞問作屋宇者可隨處 立向雖不用尺其制一以界劃之法為之十一日消淡 與雨景烟嵐相似青山白雲止當於夏秋景為之十 失宜不論水墨設色金碧即以墨審消淡須要淺深 口點染無法謂設色與金碧也設有輕重輕者山用螺 如晴景當空明雨景夜景當唇蒙雪景當稍明不 例作個僂之狀十曰樓閣錯雜界劃雖末科然重樓 得 可

多为口居自言

卷八十五

丹青之屬方是家數如唐李將軍父子宋董源王晋卿 STOTEL VIEW 物樓閣雖用粉觀亦須清淡除紅葉外不可妄用朱金 之此一家只宜朝暮及晴景乃照雅陸離而明艷也人 合緑染再以石青緑級金泥則當於石脚沙嘴霞彩用 欽法當留白面却以螺青合緑染之後再加以石青 緑 ·开級樹石為人物用粉觀金碧則下筆之時其石便帯 青樹石用合緑染為人物不用粉觀重者山用石青緑 逐摺染之然後間有用石青緑皴者樹葉多夾筆則

多灾也及台書 學而能如其氣韻必在生知固不可以巧密得復不 趙大年諸家可法日本國畫常犯此病前人已曾議之 模移寫六法精論萬古不移自骨法用筆以下五法可 南齊謝赫云畫有六法 可不謹 日應物寫形四日隨類傅彩五日經營位置六日傳 六法三品 到默契神會不知其然而然 也故氣韻生動出 一口氣韻生動二口骨法用筆 謝 赫 可

要有身分畫家謂之紐子要折搭得中樹身各要有發 者當盡心焉 能品 意趣有餘者謂之妙品得其形似而不失規矩者謂之 ここうえ 於天成人莫窺其巧者謂之神品筆墨超絕傳染得官 近代作畫多宗董源李成二家筆法樹石各不相似學 樹要偃仰稀密相間有葉樹枝軟面後皆有仰枝 寫山水訣 2. A.T. 樹要四面俱有蘇與枝蓋取其圓潤樹 牌編 陶宗儀

欽定四月全書 無十步真石看三面用方圓之法須方多圓少 畫石之法先從淡墨起可改可救漸用濃墨者為上石 離乎此石着色要重量源小山石謂之礬頭山中有雲 **山為之再用淡墨破** 脚先向筆畫邊皴起然後用淡墨破其深凹處着色不 脚下多有碎石乃畫建康山勢董石謂之麻皮欽坡 遠從近隔開相對謂之潤遠從山外遠景謂之高遠 此皆金陵山景皴法要滲軟下有沙地用淡墨掃 山論三遠從下相連不斷謂之 董

PEDINE AIR 或於妙景處見樹有怪異便當模寫記之分外有發生 若畫得純熟自然筆法出現畫石之妙用藤黄水浸入 偃 緊要處山石樹木皆用此大柴樹要填空小樹大樹 糊突其筆謂之有墨水筆不動描法謂之有筆此畫家 墨筆自然潤色不可用多多則要滞筆間用螺青入墨 亦妙吳妝容易入眼使墨士氣 山水中用筆法謂之筋骨相連有筆有墨之分用描處 仰向背濃淡各不可相犯繁處問肆處須要得中 桿絹 皮袋中置描筆在内

也 多分四周至章 山坡中可以置屋舍水中可置小艇從此有生氣山 高 郭熙皆用此法郭熙畫石如雲古人云天開圖畫者是 之意登樓望空潤處氣韻看雲飛即是山頭景物李成 雲氣見得山勢高不可測 源自上而下切不可斷派要取活流之源 如大軍領卒森然有不可犯之色此寫真山之形 搭轉換山脉皆順此活法也聚峰如相揖遜萬樹 山水中唯水口最難畫遠水無灣遠人無目水出 卷八十五 畫石之法最要形象不 山 頭 腰 要 相

とこり日 Alti 其濕厚米元章論李光丞有後代兒孫昌盛果出為官 若無題目便不成畫更要記春夏秋冬景色春則萬物 要取用 發生夏則樹木繁冗秋則萬象肅殺冬則烟雲黯淡天 樹簇之畫一窠一石當逸墨撒脱有士人家風纔多便 惡石有三面或在上在左右側皆可為面臨筆之際殆 入畫工之流矣 模糊能畫此者為上矣 山下有水潭謂之瀬畫此甚有生意四邊用 或畫山水一幅先立題目然後着筆 伴临 李成畫坡脚須要數層取

攀了好着筆好用顏色易入眼先命題目此謂之上品 雜 者最多畫亦有風水存馬 遠近相映大槩與寫字一 山頭 石小塊堆在上謂之譽頭用水筆暈開加淡螺青又是 樹喻小人峥嵘之意 般秀潤畫不過意思而已冬景借地為雪要薄粉暈 作畫胸次寬潤布景自然合古人意趣畫法盡 山水之法在乎隨機應變先記皴法不雜布 般以熟為妙紙上難畫絹 夏山欲雨要帶水筆山上有 松樹不見根喻君子在野

多历四月全書

をハイ

先用淡墨積至可觀處然後用焦墨濃墨分出畦徑遠 緊要吳融詩云良工善得丹青理 膠礬停夏月膠多礬少冬天礬多膠少著色螺青拂 近故在生紙上有許多滋潤處李成惜墨如金是也作 1 |藤黄入墨畫樹其色潤好看 大要去那胡俗頼四箇字 好絹用水喷濕石上槌眼匾然後上幀子礬法春秋 雜 1.11 評 作畫紙是箇理字最 作畫用墨最難但

覺寒時 於皮毛 游 筋骨在於蹄跷 石之狀此其長許書恩 漢桓帝時劉褒畫雲漢圖見者覺熱又畫北風圖見者 躍見有淺深者為長 希逸性多巧思善畫製木方丈看天下山川土地各 物 龍鱗如錢晴似人目至于查牙又若古木怪 魚者鱗鮮而涎光尾提而鬚動浮沉 猫之精神出於眼色形骨定

欽定匹庫全書

巻八十五

遠山無皴遠水無波遠人無衣

馬之精神係於眼鼻

黄筌飛雁頭足皆展不知飛鳥縮頭則展足縮足則 頭無兩展者皆此池 同 しこりこと シスト 間が **有藏戴松關牛與客觀旁有一牧童曰牛關力在前** 有分野维指 畫 維畫物多不問四時如畫花往在以桃杏芙蓉蓮花 公得一古畫牡丹下有猫吳正肅公一見曰此正午 兩股間今尾掉何也 一景畫袁安卧雪圖有雪中芭蕉畫部 甲梅 +

敏定匹库全書 四 蜀有趙昌善畫花每是露遠欄諦玩手中調色寫之自 似不似第其高遠蓋意不在似者乃太史公之于文杜 畫花趙昌意在似徐熙意不在似非高於畫者不能以 號寫生趙昌人謂趙畫染成驗之者以手捫摸不為采 同黑睛如線正午猫眼也 猫牡丹其花披哆而色燥此日中時花也猫眼朝暮不 色所隱者乃真也東都 陵老之於詩也的畫 解 W

妣隹 耳 腹至尾三停也九似者頭似牛觜似驢眼似鰕角似 形貌其狀乃分三停九似而已旬首至頂旬頂至腹 淵深入無底人不可得而見也古今圖畫者固難推 くこうう 旌 似象鱗似魚鬚似人腹似蛇足似鳳是名為九似 龍者得神氣之道也神猶母也氣猶子也以神召氣 母召子孰敢不致所以上飛于天晦隔層雲下潛 有别雄者角浪凹峭目深鼻豁暑火鱗容上壯 畫龍輯議 **公司** 稗編 董 13 麂 其 自

銀穴四周全電 殺朱火燈燈雖者角靡浪平目肆鼻直禁圓鱗薄尾北 或 隨筆而生筋骨神氣佇出為佳貴乎血目生威朱鬚激 水波濤沟湧若奮風雲鱗介藏烟鬃鬣肘毛爪牙伏 于腹龍開口者易為巧合口者難為工但要揮毫落墨 問予以顧陸張吳用筆如何對日顧愷之筆跡緊勁 乃神筆之變化昔張僧繇葉公則其人也 蜓升降鳞旋之間噀其雨露踊躍騰空點其目則 名畫雅精論頓住 筆 張 張彦遠 後同

WALL LIAID IE 代時無等倫張僧繇點曳斫拂依衛夫人筆陣圖一 故 來世謂之一 斷 變之以成今草字之體勢一筆而成氣脉通連隔行不 在 畫便是一物鉤戟利剱森然又知書畫同矣唐吳道 知書畫用同一法探徵精利潤媚新奇妙絕名高宋 唯王子敬明其深肯故行草之字往往繼其後行 所以全神氣也昔張芝學雀瓘杜度草書之法因而 綿循環超忽調高格逸風趨電疾意存筆先畫盡意 筆書其後陸探微亦作一 伸編 筆畫綿連不絕 <u>+</u> 點

直尺而能彎弧挺刀植柱構梁對曰守其神專其一 口訣人莫得知數似之畫或自臂起或從足先巨壯說怪 筆直尺虬鬚雲鬢數尺飛動毛根出肉力健有餘當有 · 古今獨步前不見顧陸後無來者搜筆法於張旭此 **膚脉連結過於僧繇矣或問予曰吳生何以不用界** 於象似我則脫落其凡格彎弧挺劒植柱構梁不假界 造英靈不窮眾皆密於朕際我則離披其點畫衆皆謹 又知書畫用筆同矣張既號書顛吳宜為畫聖神假 卸分四月全書 巻ハナ五

豈得入於其間矣又問曰夫運思精深者筆跡問密其 思揮毫自以為畫則愈失畫故得於畫矣不滞于手不 一勞棒心代野者必傷其手意志亂矣外物役馬豈能左 皆如是乎豈止畫也與庖丁發鉶郢匠揮斤效順者徒 造化之筆向所謂意存筆先畫盡意在也凡事臻妙者 真畫也死畫滿壁易如汙墁真畫一劃見於生氣夫運 手畫方乎夫用界筆直尺是死畫守其神專其一得其 凝於心不知其然雖彎孤挺刃植柱構深則界筆直尺 -- -) :2 11 1

畫錯雜而無旨 密二體方可議平畫者頷之而去 際所謂筆跡周密也張吳之妙筆幾一二 像周應焉離 吳道玄縱以怪石崩灘山水之變始於道玄成於李思 而精微展鄭之流是也近代之畫絢爛以求備今人之 上古之畫迹簡而意淡顧陸之流是也中古之畫細窓 披點畫時見缺落此雖筆不周而意周也若知畫有疎

有筆不周者謂之如何余對曰顧陸之神不可見其涯

欽定四库全書

卷八十五

盡矣 唐五代絹素麄厚宋絹輕細望而可别唐宋也 粉墨皆浮於嫌素之上神氣亦索然蓋古人筆法圓熟 用意精到初者率易愈玩愈佳今人雖極工緻一覽意 訓樹石之狀妙於韋偃成於張通 人畫墨色俱入絹縷精神逈出偽者雖極力做傚而 絹素 古筆法 辨編

火軍四年公告 图

占

目睛 照正在阿堵中每重嵇康四言詩因為之圖常云手揮 謂旬生民以來未之有也愷之每畫人成或數年不 晋.顧愷之字長康尤善丹青 圖寫特妙謝安深重之以 金げ口屋石書 五紅易目送歸鴻難當圖裝楷象頰上加三毛觀者覺 明殊勝又為謝麒象在石岩裡云此子宜置在丘壑 欲圖殷仲堪仲堪有目疾固辭愷之曰明府正為眼 人問其故答口四體妍強本無關於妙處傳神寫 傳神 ハナ 拱

欠足四事之等 图 趙郎形貌後者東得其神氣情性喜雞 周昉窮丹青之妙郭令公壻趙縱侍郎當令韓幹寫 神則譎怪之狀 仲堪從之顧愷之曰畫人最難次山水次狗馬若臺閣 又請昉寫未能定其優劣趙夫人歸省令公問此畫何 耳岩明點瞳子飛白拂上使如輕雲之蔽月豈不美乎 一對日趙即又云何者最似答云兩畫總似前畫空 定器耳韓子曰狗馬難思神易狗馬乃凡俗所見思 稈編 麦

傳神之難在目顧虎頭云傳神寫照都在阿堵中其次 金ケセをとき 眉目見者皆失笑知其為吾也目與顴類似緣無不 陳后山云歐陽公像公家與蘇眉山皆有之而各自是 者眉與鼻口可以增減取似也傳神與相一道欲得其 在類類吾當於燈下顧自見類影使人就壁模之不作 也蓋蘇本頹勝而失形家本形似而失顏形而不顏乃 所謂畫非傳神 傳神記 穌 軾

天 定四事公号 圆 矣乃於眉後加三紋隱約可見作仰首上視眉揚而類 畫魯魯公初不甚似一日往見公歸而喜甚曰吾得之 至使人謂死者復生此豈樂體皆似得其意思所在而 已使畫者悟此理則人人可以為顧陸吾當見僧惟真 則 或在眉目或在鼻口虎頭云頰上加三毛覺精采殊勝 物被方鐵容自持豈復見其天于凡人意思各有所在 人之天法當與眾中陰察之今乃使人具衣冠坐視 此人意思蓋在發類問也優孟學孫权教抵掌談笑 稈編 丈

感者遂大似南都人陳懷立傳吾神衆以為得其全 骨相之至貴者宜莫如秀眉重瞳龍顏鳳姿日角也然 精微或以小人為君子未見其能寫也今夫世俗所謂 君子小人貌或類於心不同寫其形似而不得其心之 畫莫難於寫真非寫形容之難寫心之精微為難也蓋 者懷立舉止如諸生蕭然有意於筆墨之外者故以昔 所聞助發云 贈寫真劉琮序 胡 邦 衡

くこりる ハイ 虎可以比尼父而憲之不臣可以比賓王之忠食我之 亦如蒙聽實將軍萬肩縣實王亦寫肩楊食我能虎之 ·堯秀眉魯僖馬柳亦秀眉舜重瞳子項羽來 殿故亦重 狀班定遠亦無頷虎頭司馬懿狼顧而周嵩狼顧然則 者宜莫如虎狼蒙聽為肩之相然足父面如家應陽虎 舜而嵇李可以如漢祖唐宗乎世俗所謂骨相之至惡 角文皇鳳姿李相國亦鳳姿然則魯僖沐猴可以此竟 瞳子漢高龍顏嵇叔夜亦龍顏世祖日角唐高祖亦日 ナヒー

到 近四月全書 亂老杜所謂乃知畫師妙工刮造化其在斯人與雖然 貌藍歌頭折頭時一 何獨畫哉自古取其形似而不研其心至於以優稱為 骨相或同間不容髮而其心判然自殊如涇渭之不 恨世無褒野之毛骨以發其奇逢佳士或尋常人質鬼 見其能寫也鄉老劉琮慶先天機精到得金栗影筆 同寫其形似而不得其心之精微或以小人為君子未 惡可以擬定遠之勲乎故曰君子小人貌或似而心不 弄翰曲盡形似之妙雖君子小 + 五

ノニリュ ハナー 今歲惠然來旬昭武里中士夫數人欲觀其能或一 矣予項見友人林擇之游誠之稱其為人而招之不 忠為源乾曜以楊國忠為裝寬亦多矣其禍可勝言哉 孫叔敖以虎賁為蔡中即以成方遂為戾太子以蕭 君拱辰叔瞻乃能并與其精神意趣而盡得之斯亦奇 世之傳神寫照者能稍得其形似已得稱為良工今郭 予於劉生竊有所感故取以識別 送寫真郭拱辰序 N 甲編 **唐**

銀灰四扇全書 源經玉笥據祝融之絕頂以臨洞庭風濤之壯北出九 有可笑者為予作大小二象宛然麋鹿之姿林野之性 彼當有隱君子世人所不得見而子幸將見之欲 圖其 江上廬阜入虎溪訪陶翁之遺跡然後歸而思自休馬 然予方將東遊鴈蕩窺龍冰登玉宵以望蓬萊西歷麻 持以示人計雖相聞而不相識者亦有以知其為予也 而肖或稍稍損益卒無不似而風神氣韻妙得其天致 以歸而郭君以歲晚思親不能人從予游矣予於是 Ž,

士以該畫工畫工弗敢當讓者再三隱士遂執東壁書 車載壁沉之洛河廟亦落成矣壁當再畫郡以請隱士 隱士弗辭有老畫工夤緣以至者衆議誰當畫東壁隱 亦妙手也以三百千得之於是閉門不出者三年乃以 畢少董言國初脩老子廟廟有道士畫壁老杜所謂冤 旅俱秀發旌斾盡飛揚者也官以其壁募人買有隱士 有遺恨焉因其告行書以為贈 隱士畫壁

THE CONTRACT SECTION OF THE DOLLARS SECTION OF THE PROPERTY OF THE PARTY OF THE PAR

CIED IDE MAIN

呷編

色 帝王也骨相當龍姿日表也可比至尊今先生前驅乃 或問之工口前驅敗也骨相當與目怒髯可比關即近 大地隱士初落軍作前騙二人工就視之不語而去工 **到灾四周至** 传清贵也骨相當清奇龐秀可比臺閻至于輦中人 拜曰先生之才不可當也其自是焚作具不敢言畫矣 礴 慘淡經營不復相顧及成工來觀其初有不相許之 亦畫前驅二人隱士在觀亦不語而去於是各解衣盤 漸觀其次逸选咨嗟擊節及見輦中一人工愧駭下 卷 † 五

蓋吾平生未曾見者古圖畫中亦未之見此所以使吾 VALUE TIME TIME 工不同要之但能作人間人耳工往自毀其壁以家資 所畫近侍乃吾輦中人也泊觀輦中之人其神宇骨相 可强力少加則何以作輦中之人也若貴賤之狀一 作清竒龎秀某竊謂賤隷若此則何以作近侍近侍繼 間人耳人間人則面目氣象皆塵俗雖爾藝與其他 愧駭服隱士曰此畫世間人也爾所作怒目虬髯則 不足以為畫矣今觀之先生所畫前驅乃吾近侍也 Ŧ

償之 破鬼膽筆勢猶未得已世之作文者孰能若是故於 隱士之畫也亦然 他 作海神祠記蓋劈頭便言海之為物於人間為至大使 王應麟云自子固趿西俠頌謂所畫龍應承露人嘉五 瀚無溢蓋力竭而不窮文竭而不困至於奪天巧)請隱士畢其事少董曰余評隱士之畫如韓退 如此則後必無可繼者而退之之文累千言所言 刻畫 楊 慎

卸分

四月全書

巻八十五

· 我矣今于盤洲所集隸圖見之慎又按王象之與地紀 尚有其遺法至吳道玄絕妙入神始用巧思而古意稍 費方墓碑刻山林人物乃知顧愷之陸探微宗處士董 勝 文字但有人物漢畫之在碑刻者不止如應麟所云而 而立巧妙動人又雲陽縣漢處士金延廣母子碑初無 飛簷車馬人物又刻雙扉其一扉微改有美人出半面 連理之木漢畫始見於今邵公濟渭漢李俞王稚子高 ここして シスト 砰目載夔州臨江市丁房雙闕高三丈餘上為層觀

銀定匹庫全書 P 畫記 N. 卷八十五 韓 愈

雜古今人物小畫共 一卷騎而立者五人騎而被甲

兵立者十人 一人騎執大旗前立騎而被甲載兵行且

牵者十人騎且負者二人騎執器者二人騎擁田犬

者 騎而牵者二人騎而驅者三人執羈勒立者

而 騎而下倚馬臂隼而立者一 牧者二人坐而指使者一 人騎而驅涉者二 甲胄手亏失鉄載植

徒

とこり自己自己 百二十有三而莫有同者焉馬大者九匹於馬之中 者三人孺子戲者九人凡人之事三十有二為人大 者一人雜執器物役者八人奉壺矢者十人舍而具食者 胃坐睡者一人方涉者一人坐而脫足者一人寒附火 人杖而員者婦人以孺子載而可見者六人載而上 有上者下者行者牽者涉者陸者翹者顧者鳴者寢者 七人甲胄執幟植者十人負者七人偃寢休者二人甲 人提且注者四人牛牽者三人驢驅者四人 柳編

記者人立者随者飲者溲者時者降者痒磨樹者噓者嗅 卸灾匹居全書 物者載孤兔者凡馬之事二十有七為馬大小八十 者喜而相覷者怒相跟嚙者秣者騎者驟者走者載服 駝之數而加其一焉隼一犬羊狐兔麋鹿共三十旃車 餅 盂餐笠筐筥舒釜飲食服用之器壺矢博奕之具! 三而莫有同者焉牛大小十有一頭驟駝三頭驢如驤 百五十有一皆曲極其妙貞元甲戌年余在京師甚無 兩雜兵器弓矢旌旗刀劍矛楯弓服矢房甲胄之屬 THE REPORT OF THE PARTY OF THE

卷 八 十 九

余懷也以其始為之勞而風好之篤也今雖遇之力 本絕人事而摹得之遊閩中而喪馬居閒處獨時往來 所摹也亡之且二十年矣余少時常有志乎兹事得國 集衆工人之所長耳雖百金不願易也明年出京師至 勝而獲焉意甚惜之以為非一工人之所能運思蓋叢 君子人也見之感然若有所感少而進之日噫余之手 事同居有獨孤生申叔者始得此畫而與余彈基余幸 河陽與二三客論畫品格因出而觀之座有趙侍御者

欠足可草合書 問

椰编

Ī

自釋馬 之事因以贈之而記其人物之形狀與數而時觀之以 能為已且命工人存其大都馬余既甚愛之又感趙 金万口 音令人耳聾五味令人口爽馳騁田獵令人心發在然 君子可寓意於物而不可以留意於物寓意於物雖 為病雖尤物不足以為樂老子曰五色令人目盲五 足以為樂雖尤物不足以為病留意於物雖微物 L 蜜繪堂記 **軾** 微

处之四年二年 一 皆以兒戲害其國玄其身此留意之禍也始吾少時當 好此二者家之所有惟恐其失之人之所有惟恐其不 宋孝武王僧虔至以此相忌桓玄之走舸王涯之複壁 足以悅人而不足以移人者莫若書與畫然至其留意 聖人未曾廢此四者亦聊以寓意焉耳劉備之雄才也 展 此豈有聲色臭味哉而樂之終身不厭凡物之可喜 而好結髦松康之達也而好鍛錬阮孚之放也而好蠟 不釋則其禍有不可勝言者鍾級至以此嘔血發塚 秤編 盂

第之東以蓄其所有而求文以為記恐其不幸類吾心 畫豈不顛倒錯謬失其本心也哉自是不復好見可喜 吾予 也既而自笑曰吾濟富貴而厚於書輕死生而重 乎二物者常為吾樂而不能為吾病駙馬都尉王君晉 者雖復蓄之然為人取去亦不復惜也譬之煙雲之過 居攘去膏梁屏遠聲色而從事於書畫作實繪堂於私 眼百鳥之感耳豈不欣然接之然去而不復念也於是 雖在戚里而其被服禮義學問詩書常與寒士角平

於劍抜十尋者生而有之也令畫者乃節節而為之禁 |時之所好故以是告之廣幾全其樂而遠其病也 所見如免起鶥落少縱則逝矣與可之教予如此予不能 禁而累之豈復有竹乎故畫竹必先得成竹於胸中執 熟視乃見其所欲畫者急起從之振筆直遂以追 之始生一寸之萌耳而節葉具馬自蜩蝮蛇射以 文與可畫質當谷偃竹記

といりをたる

然也而心識其所以然夫既心識其所以然而不能然者

稈縞

蒀

多页四月在重 輪而斷輪者也而讀書者與之今夫夫子之託於斯竹也 而罵曰吾将以為賴士大夫傅之以為口實及與可自洋 方之人持練素以請者足相躡於其門與可厭之投諸地 岩予者豈獨得其意并得其法與可畫竹,初不自貴重四 而予以為有道者則非耶子由未當盡也故得其意而已 由為墨竹賦以遺與可曰庖丁解牛者也而養生者取之 之不熟者平居自視了然而臨事忽馬喪之豈獨竹乎子 内外不一心手不相應不學之過也故凡有見於中而操

- ここりき 落庭空影許長與可笑曰蘇子辯則辯矣然二百五十 廷吾將買田而歸老馬因以所盡貧當谷偃竹遺子曰 萬尺竹哉余因而實之答其詩曰世間亦有千尋竹月 硯願得此絹而已與可無以答則曰吾言妄矣世豈有 謂與可竹長一萬尺當用絹二百五十疋知公倦於筆 州還而余為徐州與可以書遺余曰近語士大夫吾墨 一詩其畧曰擬將一段鹅谿絹掃取寒稍萬尺長子 派近在彭城可往求之職材當萃於子矣書尾後 甲偏 Ē

昔曹孟德祭橋公文有車過腹痛之語而子亦載與可 歲七月七日子在湖州曝書畫見此行廢卷而哭失聲 笑噴飯清案元豐二年正月二十日與可沒於陳州 曾中與可是日與其妻游谷中燒節晚食發函得詩失 畴皆戲笑之言者以見與可於子契厚無間如此也 如蓬斤斧何曾放籜龍料得清貧饒太守涓濱千畝在 子作洋州三十韻篔當谷其一也予詩云漢川修竹賤 竹數尺耳而有萬尺之勢貧篙谷在洋州與可當

一 銀定四庫全書

卷八十五

古今畫水多作平遠細皺其善者不過能為波頭起伏 書蒲永昇畫後

微欲於大慈寺壽寧院壁作湖灘水石四堵營度經成 變號稱神逸其後蜀人黄登孫知微皆得其筆法始知 始出新意畫奔湍巨浪與山石曲折隨物賦形畫水之 使人至以手捫之謂有窪隆以為至妙矣然其品格特 與印板水紙爭工拙於毫釐問耳唐廣明中處士孫位

九七日年上野 頭

秤編

終不肯下筆一日倉皇入寺索筆墨甚急奮袂如風須

去遇其欲畫不擇貴賤項刻而成曾與余臨壽院作水 法中絕五十餘年近歲成都人蒲永昇嗜酒放浪性與 董羽近日常州威氏畫水世或傳寶之如董威之流可 流皆不及也王公富人或以勢力使之永昇輕嘻笑捨 **更而成作輪鴻跳蹙之勢沟沟欲崩屋也知微既死筆** 畫會始作活水得二孫本意自黄居案兄弟李懷农之 二十四幅每夏日掛之高堂素壁即陰風襲人毛髮為 立永昇今老矣畫益難得而世之識真者亦少如往時

+

智者創物能者述馬非一人而成也君子之於學百工 謂死水未可與永昇同年而語也 書吳道子畫後

之於技自三代歷漢至唐而備矣故詩至於杜子美文 至於韓退之書至於顏魯公畫至於吳道子而古今之

變天下之能事畢矣道子畫人物如以燈取影逆來順 在旁見側出横斜平直各相乘除得自然之數不差毫

九月日日 AIST 图 末出新意於法度之中寄妙理於豪放之外所謂游 秤編

金贝四人自言 欲使王子敬書太極殿榜以韋仲將事諷之子敬曰仲 其主名至於道子望而知其真偽也然世罕有真者如 卒蒙畫師之恥或者以是為君病余以謂不然謝安石 以達吾心盡以適一吾意而已昔間立本始以文學進身 史全叔所藏平生盖一二見而巳 餘地運斤成風盖古今一人而已余於他畫或不能必 松陵人朱君象先能文而不求舉善畫而不求售曰文 書朱泉先畫後

立本如千里之達其誰能以畫師辱之今朱君無求 搜攘其旁也 世雖王公貴人其何道使之遇其解衣磐傳雖余亦 潘岳使彈終日達夜無忤色識者知其不可榮辱也 琴無貴賤長幼皆為彈神氣和冲不知向人所在內 使立本如子敬之高其誰敢以畫師使之死千里善 將魏之大臣理必不爾若然者有以知魏德之不長也 **趿東坡竹石** 1.46 17.87 後 同

一级定匹库全書 然真若相語以雨而相趨以歸者覽者未必知也良 幾似之百世之下觀此畫者尚可想見也 獨苦詎不信然 東坡老人英秀後凋之 人於農園日親犁耙故雖不識畫而知此畫之為 彼其前者却顧而徐行後者驟首而騰赴目光 **跋唐人** 記試書 八幕雨牧牛圖 区 ·操堅確不移之姿竹君石友由 巻1 1 1 五 左 圭 州

後而已便表得馬蹄香出也果皆中魁選夫以畫學之 家在竹内也又試路花歸去馬蹄香不可得而形容何 以見得親切有一名畫克盡其妙但掃數蝴蝶飛逐馬 鎖橋邊賣酒家人皆可以形容無不向酒家上着工夫 方畫工以古人詩句命題不知擒選幾許人也嘗試竹 うん かんに 善畫但於橋頭竹外掛一酒帘書酒字而已便見酒 取其意思超板者為上亦猶科舉之取士取其文

螢雪叢說曰徽宗政和中建設畫學用太學法補試四

飲灾匹库全書 **■** 才角出者為優二者之試雖下筆有所不同而於得 之際只較智與不智而已 表1 **十** 五

物色及後和帝時當 其年元而宣帝於扶風亦得鼎於識曰王命元臣官此 虞夏而降制器尚象後世由漢武帝 汾陰得寶鼎因更 欽定四庫全書 **見有銘而憲遂上之凡此數者成見諸史記所彰** 秤編卷八十六 しりう シトー 古器 古器說 7 **基勒燕然還南單王** 明 唐順之 蔡 撰

古石刻遂又著書名集古録成載原父所得古器銘款 博雅有盛名曩時出守長安長安號古多簋敦鏡離 又從而和之則若伯父君談東坡數公云爾初原父號 宫皆金錯字然在上者初不大以為事獨國朝來浸乃 者追魏晋六朝隋唐亦數數言獲古鼎器梁氏之遊好 **檕之屬因自著一書號先秦古器記而文忠公喜集往** 古爱奇在荆楚聚古器數十百種又獻古器四種於東 珍重始則有劉原父侍讀為之倡而成於歐陽文忠公

敏灾四库全書

百萬不刻者於是天下塚墓破掘殆盡矣獨政和問 其所以貴愛故有得一 文士李公麟者出公麟字伯時實善畫性希古則又 **唐虞之思因大崇尚及大觀初乃做公麟之考古作宣** 考古圖傳流至元符間太上皇即位憲章古始即然追 生平所得壁其聞睹者作為圖狀說其所以而名之 由是學士大夫雅多好之此風遂 ,殿博古圖所藏者大小禮器則已五百有幾世既 三日日 八十丁明 器其直為金錢數十萬後動 钾編 媚矣元豐後又

最盛尚方所貯至六千餘數百器遂盡見三代典禮 殿暨两廊召百官而宣示馬當是時天子尚留心政治 鍾而後得以作大晟及是又獲被諸制作於是聖朝郊 章而讀先儒所講說殆有可哂者始端州上宋成公之 **者三代之器而巳若秦漢諸物非殊特蓋亦不收及宣** 其博識味其議論喜於人物而考驗之詳也時所 神移清因從瑣闥密窥聽臣僚訪諸左右知其為 且遂復古跨越先代當有古以所藏列崇聖

郅分

眉生書

散季之弦解牛鼎象樽之規模龍既雁燈之典雅皆以 作古人之風烈悉入屬營夫以孔父子産之景行召 考驗者俄遇借亂側聞都邑方反覆時所謂先王之制 たらり見らら 畫盡在然世事則益爛漫上志衰矣非復前日之敦尚 古尚古等諸尉咸以貯古王印璽諸飛桑禮器法書 索入九禁而宣和殿又剏立保和殿者左右有稽古博 羈勒蜀文翁禮殿之繪象凡所知名罔問巨細遠近悉 和後則咸取篆貯錄且累數至萬餘若岐陽宣王之石 辉鰔

摹 逈然不同臨謂置紙在傍觀其大 多好四周有言 著書矣其間有論議而未詳明者如臨摹硬黄響楊是 宋番易張世南宦游紀聞云辨博書畫古器前輩蓋曾 耻莫甚乎此言之可為於邑至於圖錄規模則班班尚 四者各有其説令人皆謂臨摹為一 食戎馬供熾烹腥鱗濕滅散落不存文武之道中國 [期流傳于不朽云作古器說 張世南宦游紀聞辨古 體殊不知臨之 陶宗儀 同

盤雲百乳點耳貫耳偃耳宣耳附耳挾耳獸耳虎耳 雷紋鱗紋細紋栗紋蟬紋黄目飛廉饕餮蛟螭虬龍 くこりう 鳳熊虎龜蛇鹿馬象鸞變犧雖凫雙魚蟠虺如意園 類方為真古其製作有雲紋雷紋山紋輕重雷紋垂花 辨古器則有所謂歎識臘茶色朱砂斑真青緑井口之 毫釐必見響榻謂以紙覆其上 曰摹硬黄謂置紙於熱熨斗上以黄蠟塗勻儼如杭 之若臨淵之臨摹謂以薄紙覆上隨其曲折婉轉用 こまう fr. |就明愈腨間映光摹之

14.

銀定匹 甑切 耳 乳節鍾 也無 態鼓 库 疷 有類 耳洗 錠 也知 類是也古器之名則 類是也 槃 都徒 度 角 者 用 桂 栭 定經 ンノ 颒 無 碎 有合此 柱 加加 契 如有效識 音 有攀盖 葪 酉 盖足類 外鍾 則以名 名大 復有 觚 虚也 方其 謂形 影篇 周 足 6 雲雷 名 盖類 有鼎 如 Ł 0 き 而 流 周 綸 四 足矮 叔 鹿 鼎 液 馬 以四 有

或宫 類似 こフシ 盒 此 洗盆绢 乃 云廟 薦類 分二 其上 獻豆 闌 圇 名 而大 鋪 楯輿 O **鲫節鉞戈子** 1.4. 義教謂陰字是四 儀陳 篇云 呼玄 温圓 有其 間之 聖新 物鳩車 環盉 小切 盆 盆類 鑑 而於 也洗 之具提 盾弩機表坐旂鈴刀筆杖頭蹲 如盛 | 備然知此者亦思過半 腰舍 华庙 王 風水 大切 鼎切 愈器 覆 有 而又 深龜蛇硯滴車 上 足益 有胡 者 錞鐸鉦 設方 有 也 葢卧 刻書成之識 盤如 提似 有切 攀 以斗 觜威 有五 洗 樲 戯 栭 類 瓿 矮鍾 之底 鏡戚 矣所 也 壺浦 五 調 墨壺 沃弋 而後 謂 轅 盥支 矮切 龍 類其 類 なり

别三代及秦漢間器流傳世間歲月寝久其色微黃而 是挺出者正如臨之與摹各包不同也雕茶色亦有差 燥須自然古色方為真古器也 有數百年前句容所鑄其藝亦今鑄不及必竟黑而 潤澤今士大夫間論古器以極薄為真此蓋一偏之見 也亦有極薄者有極厚者但觀製作色澤自可見也亦 夏尚忠商尚質周尚文其制器亦然商器質素無文周 趙希鵠洞天清録辨古

舒贞匹库全書

卷八十六

知器大而厚者銅性未盡其重止能減三分之 間有土 見 年純青如鋪翠其色子後稍淡午後乘陰氣翠潤欲滴 しょううこ シトア 夏瑪戈於銅上 不瑩其蝕處如前今人 雕篆細宏此固 金脱則成陰竅以其刻畫者成四也銅器入土 銅器陸水千年則統緑色而瑩如玉未及千年緑 蝕處或穿或剝並如蝸家自然或有谷痕則是 相嵌以金其細如髮夏器大抵皆然 定不易之論而夏器獨不然余當 皆以此二品體 輕者為古

尚有 識刀篆字以紀功所謂鉛書鍾鼎夏用鳥跡篆商引 並不見銅色惟翠綠徹骨或其中有 半器小而薄者銅性為水土蒸淘易盡至有銀擊破處 者熱摩手心以擦之 銅並無腥氣惟土古新出土尚帶土氣久則否若偽作 **煑之良久斑愈見偽者以漆調朱為之易辨也三等古** 有硃砂斑甚者其斑凸起如上等辰砂入釜以沸湯 銅聲傳世古則不曾入水土惟留傳世間色紫褐 每腥觸鼻所謂識紋数紋亦不 線紅色如丹然

銀定匹庫全書

書晉宋以來用楷書唐用楷隸三代用陰識謂之偃蹇 **魚周以蝨魚大篆春用大小篆漢以て** 勻整分晚無纖毫模糊識文之筆 畫宛如仰及而不深 器有欸有識商器多無欸有識古人作事精緻工人 **敖乃花紋以為飾古器軟居外而凸識居內而凹夏** 用刀刻如鐫砰蓋陰識難鑄陽識易為決非三代物 字其字凹入也漢以來或用陽識其字凸間有凹者或 四民之列非岩後世賤丈夫之事故古器歎必細如髮 小篆隸書三 國隸

欽定匹庫全書 ■ 監官花押其輕薄漆黑歎細雖可愛要非古器歲久亦 朝夕所為三也今設有古器欸稍或糢糊必是偽作質 唐後主時於昇州句容縣置官塲以鑄之故其上多有 有微青色者世所見天寶時大鳳環瓶此極品也偽古 銅器其法以水銀雜錫末即今磨鏡樂是也先塗在新 色臭味亦自不同句容器非古物蓋自唐天寶問至南 ·精者並無砂颗一 深淺如一 亦明淨分晓無纖毫模糊此蓋用 也良工精妙二也不各工夫非 养八十六

見古人 久足口事 A 写 識他器亦有無識者不可遽以為非但辨其體質好紋 發露然古銅聲微而清新銅聲獨而與不能逃識者之 色三者並以新布擦令光瑩其銅腥為水銀所匮並不 新水浸成漆色浸稍緩即變色矣若不入水則成純翠 脱茶面色急入新汲水滿浸即成 脱茶色候如漆急 銅器上令匀然後以醌醋調 色臭味足矣夫二書之論銅器固已粲然具備然清 惟鐘鼎祭器稱功頌德則有識盤盂寓戒則有 稈編 組砌砂末筆熊匀上候

th 尚功矣識法帖及重廣鍾鼎韻七卷者宣和博古圖品 宋葉寘垣齊筆衡云陶器自舜時便有三代迄於泰漢 川書跋等書皆當熟味徧參而斷乙以經庶可言精鑒 ,謂覺器是也今土中得者其質渾厚不務色澤末俗 院考古圖王你哪堂集古録黃春東觀餘論董道廣 好古之士又不可不讀經傳紀録以求其源委如薛 筆衡論古窑器

多グセだと言

卷八十六

成章提舉後死號印局襲故京遺制置窑于脩內司造 **炎定四車全書** 中散關遺格乃知唐世已有非始於錢氏本朝以定州 尚靡不貴金王而貴銅磁遂有秘色窑器世言錢氏有 耀州悉有之汝窑為魁江南則處州龍泉縣窑質頗應 厚政和問京師自置窑燒造名曰官窑中與渡江有部 白磁器有芒不堪用遂命汝州造青窑器故河北唐鄧 風露越窑開奪得千案翠色來如向中實盛沆瀣共嵇 國日越州燒進不得臣庶用故云秘色陸龜家詩九秋

青器名内窑澄泥為範極其精緻油色瑩徹為世所珍 安石液至魏晉時始有墨九乃漆烟松煤夾和為之所 上古無墨竹挺點漆而書中古方以石磨汁或云是延 杭窑續窑皆非官窑比若謂舊越窑不復見矣 後郊壇下别立新窑比售窑大不侔矣餘如鳥泥窑餘 以晋人多用凹心砚者欲磨墨貯瀋耳自後有螺子墨 亦墨九之遺製唐高麗歲貢松烟墨用多年老松烟和 論墨

生りて

をハーン

能及中統至元以來各有所傳可以做古 自後蜀中蒲大韶梁果徐伯常及雪齊齊拳禁茂實 **然亦尚用松烟墨亦不精宋熙豐間張遇供御墨用** 江遷居歙州南唐賜姓李氏廷珪父子之墨始集大成 麋鹿膠造成至唐末墨工奚超與其子廷珪自易水渡 彦卿等出世不乏墨惟茂實得法清黑不凝滯彥卿 くううえ 、腦麝金箔謂之龍香劑元祐間潘谷墨見稱於時 ハスト 挥

銀定四庫全書 問者莫近於音聲也是故復之而不足則吟詠以肆志 吟詠之不足則寄言以廣意然八音之器歌舞之象歷 代才士並為之賦頌其體制風流莫不相襲稱其人 展而此不物可以導養神氣宣和情志處窮獨而 以危苦為上賦其聲音則以悲哀為主美其感化 垂涕為貴麗則麗矣然未盡其理也推其所由似 /好音聲長而玩之以為物有盛衰而此無變滋味 琴赋并叙 T. **Č** ハナ六 嵇 康

青壁萬尋若乃重獻增起偃蹇雲覆邈隆崇以極壯崛 惟椅梧之所生兮託峻嶽之崇岡披重壤以誕載兮参 てる日子とといる 則盤舒隱深確鬼本品玄嶺巉巖昨崿嶇金丹崖嶮峨 九陽經千載以待價兮寂神時而永康且其山川形勢 **德最優故級叙所懷以為之賦其辭曰** 以獨茂兮飛英鞋於昊蒼夕納景于虞淵兮旦晞幹 **辰極而高驟含天地之醇和兮吸日月之休光鬱紛紜** 不解聲音覽其旨趣亦未達禮樂之情也眾器之中琴 狎編

濤節汨澎湃堡蟺相斜放肆大川濟乎中州安廻徐邁 涌其前玄雲陰其上 與宇之所寶殖珍怪琅玕瑶瑾翕施叢集祭積渙行於 宋爾長浮澹乎洋洋常抱山丘詳觀其區土之所産 毓 鬼鬼而特秀蒸靈液以播雲據神淵而吐溜爾乃顛波 其間竦肅肅以靜謐密微微其清間夫所以經營其左 其側若乃春蘭被其東沙崇植其西涓子宅其陽玉 奔突狂赴爭流觸嚴觝喂鬱怒彪休洶涌騰薄奮沫揚 一翔鸞集其巔清露潤其膚惠風流 酉豊

多分四月全書

N.

松八十

榮期綺季之儔乃相與登飛梁越幽壑拔瓊枝陟峻崿 右者固以自然神麗而足思願爱樂矣於是遯世之士 制為雅琴乃使離子督墨匠石奮斤變襄薦法班倕 接軒轅之遺音慕老童於颸隅欽泰容之高吟顧茲 之餘輝羨斯嶽之弘敞心慷慨以忘歸情舒放而遠覽 指蒼梧之迢遊臨逈江之威夷寤時俗之多累仰箕山 以遊乎其下周旋永望邀若凌飛邪睨崑崙俯闞海 ここりこと こより 而與慮思假物以託心乃断孫枝准量所任至人據思

象古人之形伯牙揮手鍾期聽聲華容灼爍發采揚 銀定四庫全書 籍以翠緑經以園客之綠徽以鍾山之玉炭有龍鳳 神鎪會裛厠朗密調均華繪彫琢布藻垂文錯以犀象 其偉也及其初調則角羽俱起宫徵相證參發並趣 而優渥祭奕奕而高逝馳岌岌以相屬沛腾遌而競 何其麗也伶倫比律田連操張進御君子新聲慘亮 **祭應避踔碌硌美聲將與固以和昶而足耽矣爾** 正聲奏妙曲揚白雪發清角紛淋浪以流離浜淫

我帰惧煩冤紆餘姿娑凌縱播逸霍漢紛能檢容授節 聲代起歌曰陵扶揺兮惡瀛洲要列子兮為好仇餐沆 應變合度競名擅業安軌徐步洋洋習習聲烈退布 见是日時 ABB 雅昶唐堯終詠微子寬明引潤優游踏時扮經安歌新 調心閉手敏觸挽如志惟意所擬初涉緑水中奏清徵 冬夜肅清朗月垂光新衣翠緊緩微流芳於是器冷紋 顯媚以送終飄餘響於泰素若乃高軒飛觀廣厦開房 **翁蝉鸭而繁縟狀若崇山又象流波治兮湯湯鬱兮我**

半散豐融披離斐講溪爛英聲發越米采祭祭或間聲 織指以馳騖紛從壽以流漫或徘徊顧慕擁鬱抑接照 錯樣狀若能赴雙美並進縣馳翼驅初若將乖後平同 命兮任去留激清響以赴會何紋歌之綢繆於是曲引 遼兮帶朝霞眇翩翩兮薄天遊齊萬物兮起自得委性 桓毓養從容秘翫闥爾奮逸風駭雲亂牢落凌厲布湛 向開衆音將歇改韻易調竒弄乃發揚和顏攘皓脫飛 趣或曲而不屈或直而不倨或相凌而不亂或相離

不速留而不滞朝縣飄逸微音迅逝遠而聽之若鬱鳳 猗猗或摟挽擽捋縹繚凇洌輕行浮彈明嫿縣惠疾而 **艱若游鴻翔增崖紛丈熒尾慊終離纜微風餘音靡靡** 順似而委蛇或乘險投會邀隟趣危婴若離點鳴清 留聯而扶 頭或參譚繁促複疊 攢仄縱橫縣驛奔通 不然時劫指以慷慨或怨婚而躊躇怨飄飄以輕邁作 都雅洪纖有宜清和條裡案衍陸離穆温柔以怡懌婉 |扮嗟食讚閒不容息瓌豔奇偉舜不可識若乃問舒 >

比操豈笙篇之能倫若次其曲引所宜則廣陵止息東 陵陽度巴人變用雜而並起竦衆聽而駭神料殊功而 **迪宴密友近實願者兼御古酒清醇進南荆發西秦紹** 夫三春之初麗服以時乃攜友生以邀以嬉涉蘭圃登 重基背長林翳華芝臨清流賦新詩嘉魚龍之逸豫樂 多姿又善始而令終嗟姣妙以孔麗何變能之無窮若 百卉之榮滋理重華之遺操慨遠慕而長思若乃華堂 和鳴戲雲中廹而察之若衆施敷榮曜春風既豐贍以

多定四库全書

心志而發洩幽情矣是故懷感者聞之莫不惜懔慘悽 長故微鳴性潔靜以端理含至德之和平誠可以感盪 勢詳其風聲器和故響逸張急故聲清閒遠故音漽經 不能與之無各非至精者不能與之析理也若論其體 鹤猶有一切承閒簉乏亦有可觀者焉然非夫曠遠者 窈窕憋躁雪順下逮謠俗蔡氏五曲王昭楚妃千里別 武太山飛龍鹿鳴點難游經更唱选奏聲若自然流楚 不能與之嬉游非夫淵靜者不能與之間止非放達者 1.1. TEST

散釋抃舞踊溢留連瀾漫温味終日若和平者聽之則 銀定四库全書 辯給萬石以之訥慎其餘觸類而長之所致非 怡養悅念淑穆玄真恬虛樂古弃事遺身是以伯夷以 動物蓋亦引矣于時也金石寢聲匏竹屏氣王豹報 殊塗或文或質總中和以統物成日用而不失其感人 **愀愴傷心含哀懊咿不能自禁其康樂者聞之則欲愉 伙牙喪味天吳跼躍於重淵王喬披雲而下隆與鸑鷟**)廉顏回以之仁比干以之忠尾生以之信惠施以之 巻ハナ六 同

類嘉斯器之懿茂詠兹文以自慰永服御而不厭信古 於庭階游女飄馬而來萃感天地以致和况或行之衆 今之所貴辭日愔悟琴德不可測兮體清心遠巡難極 之樂也樸散而為器理覺而為道惟士君子樂得其道 形而上者謂之道形而下者謂之器琴者士君子常御 分良質美手遇今世分紛綸翕響冠衆藝分識音者 能珍兮能盡雅琴唯至人兮 琴論). . . . IET 陳 **腸** ᄎ

出乎模散之器入乎覺理之道卒乎載道而與之俱矣 級定匹库全書 ₩ 吟之類也謂之弄若廣陵弄之類也謂之調若子晉調 操為孝思而作也襄陽會稽之類夏后氏之操也訓個 有吟有弄有調堯之神人赐為和樂而作也舜之思親 **黙琴之為樂所以詠而歌之也故其別有赐有操有引** 有關睢引衛有思歸引之類也謂之吟若其子吟夷齊 而因心以會之蓋將終身馬雖無故斯須不撤也故能 |類商人之操也離憂之類周人之操也謂之引若魯

とこり日とき 治世之和音也得其粗者足以感神明故六馬仰秣者 聲音之法也暢則和暢操則立操引者引說其事吟者 緑綺蓉邕之焦尾以至王牀響泉韻磬清英怡神之類 之類也黄帝之清角齊桓之號種楚莊之繞梁相如之 名號之別也吟木沉散抑抹剔操樂學倫鰕綽樂之類 伯牙也思舞於夜者質韜也得其妙者幾與造化俱矣 吟詠其事弄則習弄之調則調理之其為聲之法十有 三先儒之說詳矣由是觀之琴之於天下合雅之正樂

金万四屋百里 故能易寒暑者師襄也召風雲者師曠也幽足以感神 水之金軫以崑山之王雖成器在人而音含太古矣益 **弦有五象五行也腰廣四寸象四時也前廣後狹象剪** 其制長三尺六寸六分象春之日也廣六寸象六合也 明大足以奪造化然則琴之為用豈不至矣哉 早也上圆下方象天地也暉十有三象十二 古者造琴之法削以峄陽之桐成以緊桑之絲微以麗 古琴制 一律也餘

欠已日日 八十丁 長八尺一寸正度也由是觀之則三尺六寸六分中琴 謂伏儀磬邑以九猭登以一郭璞以二十七頌琴以十 要之皆不若六八之數為不失中聲也至於弦數先儒 以四尺五寸言之以為大琴則不足以為中琴則有餘 之度也八尺一寸大琴之度也或以七尺二寸言之或 三楊雄謂陶唐氏加二弦以為會君臣之思桓譚以為 其身以三為上二為下參天兩地之義也司馬遷曰其 以象閏也其形象鳳而朱鳥南方之禽樂之主也五分

則聲或不備九弦則聲或太多至於全之為二十七半 金岁巴左台章 其說不得而遂傅會之邪故七弦之琴存之則有害古 不知夏書之在治忽有五聲而無七始豈為左氏者求 之數也為是說者蓋始於夏書而曼衍於左氏國語是 之為十三皆出於七弦倍差渦於二變二少以應七始 行之數也中者十弦大者二十弦法十日之數也一弦 以為文弦武弦是為七弦蓋聲不過五小者五弦法五 文王加少宫少商二弦釋知匠以為文王武王各加

とこうう 四暉為中聲上至第一 度也絃有三節聲自焦尾至中暉為濁聲自中暉至第 宋朝太常琴制其長三尺六寸三百六十分象周天之 制削之可也 日無射 第七統為應鍾按上為凡此各隨鍾 仲第四統從實彈第五統為林鍾按上為第六統 於黃鐘按上為二級太簇按上為第三終姑洗 宋琴制 1.11- IES 雌為清聲故樂工指法按中 上按

The state of the s

自三代之治既往而樂經亡矣樂經亡則禮素而詩虛 儒之論有官聲又有變官聲已失尊君之道而琴又有 冲操琴通中吕黄鍾無射三宫之說蓋未究其本矣先 去四清合先王中琴之制則古樂之法不過是矣唐李 之莫不合中吕之商中太平之曲非無制也誠損」)官少商之絃豈古人祝壽之意哉其害理甚矣 經缺而三經不完也今夫琴者君子常御之樂業 琴操

多好四月全書

こうこうこと シュー 陵孔子之將歸椅蘭曽子歸耕殘形之類大抵因時事 王拘羑周公越裳成王儀鳳老聃列仙伯牙之水仙懷 ·堯有神人赐婢有思親操襄陵始禹訓佃始湯以至 文 宋善琴者八十餘人周秦以前其聲傷質漢魏而下其 不具馬其利於教也大矣古之明王君子多親通馬故 該之可傷者傷之大為典誥小為雅頌而諷剌勸戒靡 而作豈為憂憤邪後世論之者過也降自唐虞迄于晉 所以樂心而適情非為憂憤而作也苟遇乎物可詠者 主

欽定匹库全書 物而人君之仁如之有鳳池者以南方之禽其浴則歸 世罕知音及以筝勢入琴譜録雖存其亡益乎 峻急若蹙浪奔濤有少年壯氣凡若此類不可勝數然 音淺薄故漢末太師五曲魏初中散四弄其間聲含清 琴之為器有龍池者以龍潛於此其出則與雲雨以澤 側文質殊流吳弄清潤若長江緩流有國士之風蜀聲 潔其身而人君之德如之有軫池者亦曰軫柸以其急 THE REPORT OF THE PARTY OF THE 琴制 巻へ十六

髮又所以飾之也鳳額所以制味而其臆又所以承之 聲所自出也龍戲者吟所由生也龍口所以受經而其 之象也鳳翅者左右翼之有副貳人主之象也龍唇者 琴底有鳳足用黃楊木表其足色本黃也臨微若山嶽 而合制也鳳額下有鳳嗦一所以接喉舌而申令者也 ここう 日 たまり 也總而言之琴長三尺六寸六分當春之日也腹中天 峻極用東木表其赤心也人局者顧於臣有俯就隨肩 於發令切酒以成禮也池側有是掌二所以該較之動

製之妙蜀稱雷霄郭諒吳稱沈缭張越霄諒清雅而沈 多方四屆 全書 界地柱方厚六分居南台無射之界若定位小差近上 **昭亦善攻野醫之不售節使盧公釣聞之見重受一** 細鐐越並鳴而響亮唐明皇及蜀詔雷儼待詔襄陽馬 則損上聲近下則損下聲當中心則其聲品節矣然斷 仍贈之詩自是馮氏門其屢滿矣 一柱當心膂之任也天柱方厚七分居姑洗仲吕之 琴暉 巻ハ十六

ていりき ニト 関 其明瑩以節奢縱而已俗傳雕作徽纏之微誤矣 代用金玉瑟瑟水晶等寶未聞有紋繩之義蓋所以示 **暉數足矣自古暉十有三其一象閏蓋用螺蚌為之近** 洗殺實林鍾四暉即泛調取足又以太簇翻至龍口而 琴之為樂經合聲以作主雕合律以配臣 自 臨嶽際 為中界仲吕上至臨嶽下際以太簇為中界其夾鍾姑 至龍口銜紋以夷則為中界夷則至臨嶽下際以仲吕 Ī

勢而不在聲外搖指趙師彈琴未有一聲無法凡 龍行者指行如之虎行者指步如之蟹行者倫指如之 法必兩手相附其猶雙鸞對舞兩鳳同翔要在附紋作 **鸞行者轉指如之輕行者汎指是也儒父吟末接覆手** 象青雲右中指象高山右小指象地右無名指象下水 古者手勢所象本蔡氏五弄趙耶利所修也左大指象 是也亮生嘯小起手是也仙人笑下璅是也然彈琴之 天左中指象日右無名指象月右大指象大風右食指

多穴四百全書

為經聲也黃鍾及大日閏暉以上十三聲為緯聲也風 光白雪寄清調中彈楚清聲易水鳳歸林寄清調中 雅聲陰陽聲武成聲吟詠聲談話聲始息聲五音聲五 古人之論琴聲有經有緯有從宮商角徵羽文武以上 之内清側殊途一句之中莫不有陰陽派潤至如楚明 露寄胡笳調中彈楚清聲若此之類非一可謂妙矣 : 5 側聲登整望秦寄胡笳調中彈楚側聲竹吟風哀松 琴聲經緯 ノントラ Ī

總之誠去四清二變以諧音律則琴音調而天下治矣 摘聲蹙臑抑揚聲調紋與掠聲長彈掉搦聲楚清側聲 **郵** 定四 库全書 調聲長樂聲胡笳聲止息聲吳聲蜀聲齊聲楚聲度被 雅質側聲蠲扶輪指聲宛美清聲高望遠側聲凡此二 有汎有散有末有剔有擽有擘有綽有璵有與有倫以 十四聲為從聲也右七經為正十三暉為副正副相應 九十種聲如此其變亦已盡矣至於取聲之法又有木 統合十三種升降同為九十一 聲琴含太虚一氣運

按向|右其|絞指|按聲 てこり言 十善淡欲合古取欲中 矩輕欲不浮重欲 指食是何無也雷指 被自然力欲 是按 7.45 E 聲因 不覺縱欲自若緩欲不 麼也 惆釋 冷面 共璅 食上 公不廳拘 斷急欲一 倫指 横為 紅上 聲也清級 聲各 文擘 欲 畢剔 也左 上聲|舉一|右指|汎隱|

銀坑四月全書 雑 五繆頭足搖動妄肆瞻視錯亂 十疵太淡而拙多取而雜其輕如摸其重如攫其拘 五能坐欲安視欲專意欲聞神欲鮮指欲堅 [其逸若蹶用力而艱縱指而闌其緩若昏甚 病有七坐無規矩搖頭足 下瞻顏左右二 巻へ十六 一也眼目疾速喘息氣粗進 也開口努目以縣志

とこりした かま 音韻聲不鈞平二也左右手用肉多其聲濁鈍音韻不 繁雜自以為能有失古意七也 重不釣一也若左右總用甲其聲焦枯雖有悲思全無 意聽無真聲六也彈琴之時吟係過度節奏失宜音韻 手勢煩雜按指不當五也調絃不切聲韵不律動失正 有攻之歲人取聲雜亂不盡五音雖能取聲不解用指 無度形神散慢三也面色變易或青或亦如羞慚四也 小病有五彈琴之時身則欲偏手勢緊亂打絃用指輕 Ĭ

鈞 多分口戶台書 蘇翰林易簡曰凡彈琴蓋以寓意調性適時之意以別 音律不續句度不成調弄無味五也 用指甲肉相兼則其聲清美右手用絃不得太高亦不 暇簡靜為本句度節奏不可太過取聲倫比不欲隔越 清取聲繁重散其清爽三也左右手甲多肉少音韻不 得絕音而拋琴曲亦不得按看別絃兩手必欲相附如 取聲輕重重疊句度急燥不較音韻四也取聲译 十二病總論 ハナホ

吟不 可不盡起伏 不可無法段疊不可不曉句讀語 視耳不別聽心不別思志不雜注無問有人 琴然取予作用須作精神心志絶慮情意專注不得 可無節置琴於前身須卓然先定神氣兩手視之若 度取予疾徐皆須得體目視左手耳聽其聲目不 用力勿令人知輕重急慢不得斷續用指手勢悉依 不得令筋骨寬緩肩甲手臂悉欲調暢

對舞兩風同翔便徽不可誤接彈紋不可錯鳴

くこりをシャラ

柳編

Ē

始神 多分四月全書 矣若夫天性聰明取聲奇異性出於聲聲出於心此 ~精神疾遽不若置琴點坐古人 妙又不可論此也 射 一聲是也若能絕此十 射經訣 席而坐 3 則聲韻雅正二則感動幽明苟亂 膝正當垛 巻ハ十六 病擇其善而去其失 膝横順席執弓处中 謂但識琴中趣 骣 何

指第三節齊平以三指捻箭三分之一加於弓亦三 吐下硝向前微令上傾向右然後取箭覆其手微拳 送之令衆指差池如鳳翮使當於心又令當陽羽向上 在把之中且欲當其弦心也以弓當左膝前堅按席稍 席目睨其的按手頤下引之令滿其持弓手與控指 弦既離身即易見箭之高下取其中平直然後擡弓 以左手頭指授之則轉弓令強稍離身就箭即 尋箭羽下至間以指頭第二指節當間約弦徐徐

とこりい

A. A. C.

秤編

ŧ

地平之中為盈貫信美而術難成要令大指知鐵之至 **然後發箭故日鏃不上指必無中矢指不知鏃同於無** 緩則力難為而箭去遲唯善者能之箭與弓把齊為滿 及左膊肘平如水准令其肘可措杯水故曰端身如 榦 臂直是也引弓不得急急則失威儀而不主皮不得緩 目試之至也或以目視鏃馬上與暗中則乖此為無術 笑故矢在 弓右 視在左箭發則靡其弱厭其肘仰其腕 如枝直臂者非初直也架弦畢便引之比及滿

多页四月 全章

其的於深谷或曳之或擲之使其的縱横前却所以射 量具弓弓量其力無動容無作色和其支體調其氣息 於百步亦百發百中乃為術成或升其的於高山或致 服當自遠若患力贏恒當引之但力勝其弓則容貌和 發無不中故始學者先學持滿須能制其弓定其體後 目以注之手以指之心以趨之其不中何為也又曰矢 乃射之肽其的必始於一丈百發百中寸以加之漸至 其心志謂之楷式知此五者為上德故曰莫患弓軟

為猛虎方勝額前臨為封兇欲關出弓稍為懷中吐月 却無問惡前凸背惡後優好射之骨髓疾也故身前疎 欽定匹庫全書 禽獸與敵也凡弓惡右傾箭惡其補儲頗惡傍引頸惡 中國法也屈大指以頭指壓勾指此胡法也此外皆不 **弦有二法無名指疊小指中指壓大指頭指當弦直竪** 平箭闊為弦上縣衡此皆有威容之稱也 頭指問世人皆以其指末既弦則致箭曲又傷羽但令 術胡法力少利馬上漢法力多利步用於其特妙, 卷八十六 又口凡控

措面隨弦直堅即脆而易中其致遠乃過常數十步古 とこうも ことう 矢俗所謂勢控也刻銳也弓硝也靡其硝 尺也平其肘所謂肘上可置杯水也白矢矢白鍈至指 其頭指使不得則和美有聲而後快也射之道備矣哉 人以為神而秘之胡法不使大指過頭亦為妙爾其執 也所謂穀率也 弓欲使把前入扼把後當四指本節平其大指承鏃却 并儀開弓形所謂懷中吐月也 剡注注指也以弓硝直指於前以送 啤编 襄尺襄平也尺曲

步射總法左肩與胯對垛之中兩脚先取四方立後次 急疾而連參也 要肩臂與腕 轉左脚大指垛中心此為丁字不成八字不就左手開 取其平直故曰端身如蘇直臂如枝箭發則靡其弱 壓肘仰腕射經曰無動容無作色按手頗下引之令滿 虎口微鬆下二指轉配側卧則上弰可隨矢直指的 可抵胛骨下此為靡其弱右手摘弦盡勢翻手向後 般平直 |仰掌現掌紋指不得開露此為

多灰四库全書

卷八十六

欠已日本八日 國 手謂前手太低後手高開弓偃硝謂身直頭偃前手腕 步射病色開弓勘手謂前手太高後手低不平開弓提 椡硝硝子大二件謂下硝傳右胛後手約謂手側不仰 其肘仰其腕胸凸背偃皆是射之骨髓疾也 箭不直硬或剪弦列手 脫後手小謂飲定手不放手後手偃後手捲二件謂遣 弓實握不轉脫微鬆手轉配脱弝謂手太鬆倒提手弝 仰兩摘謂不發用力及前後分解不齊所強謂遣箭分 秤編

前後手法宋盧宗邁太尉釋擬與到說文云側手擊物 金月四五百章 勢斷之狀翻手向後仰掌向上令見掌紋是也控切結 **硝指的下硝抵脾骨下也** 擬說文云控擲也謂當以前手照弱如擲物之狀令上 日報謂當後手如擊物之狀令臂與有一般平直是也 物族之狀勢如 說文云勢斷也謂當以後手摘弦 .殆説文云挾拗也謂以前手推弝後手控弦如用力 射總法勢如追風目如流電滿開弓緊放箭目勿瞬

把弓箭餘指斜籠下稍指左脚面曲右手當心右臂貼 視身勿倨坐不失其馳舍矢如破 舉犯按弦飲身微曲注目視的左手輪指坐腕弝弓箭 弓左當死仍令箭等兩相齊 持弓審固左手垂下微曲大指覊弝第二第三指着力 肋以大指第二第三指於節上四指紋畟捉稍箭等與 手齊訣曰持弓審固事須知垛在南時面向西右手捉

たこりまたかり

稈綸

如懷中吐月之勢續以左手第二指與第三指靠心斜

多戶四屋 全書 箭羈緊鏃抹羽入弦無暫遲 抹羽取箭以左手三指丞下緊抵前四指五指鈎落上 箭訣口舉犯撥弦橫縱脚輪指坐脫身微欽上弱斜傅 籠先舉右脚隨步合左手指弱抵犯以二指按箭三指 右肩膊左手持把横對心 至鏃訣曰前當弓配一 撥弦令弓上傅着右肩然後舉左脚三移其步以取 拇箭四指五指向裹斜钩左手二 般齊三寶兩虚勢漸離小指取 卷八十 六 指三指羈幹掣箭

當心入苦右手第二指緊控箭等大指捻等當心前手 覷的訣曰右手二指抱箭答兩手相迎穩入弦捻答當 鋪膊牽弦輪指把配推出前手微合上硝兩甓弦曲 就後手授縣入答左脚火指垛脚跟微出右脚橫直鞋 とうとりにといるラー 心斜覷帖緊膨兩膝直如衡 **秋對琛淺坐箭答左手第二第三指坐脫羈前雙眼斜** 可展盡左手輪指空第二指過弓犯節上大指面緊着 **兜屈起指節餘指實屈鋪下前膊左右脚膝着力同**

椰艄

<u>₹</u>

多方四屆全書 科曲不展盡文牽須用緩投肩 答法缺口開弓發矢要飲身配外分明認帖真前肘 為貫盈貫盈信美雖有及者大松智肋脚膝者力亦同 欽身開弓以左手第二 極力遣箭竦腰出引上 翻雙膊鋒 脅肋脚膝力須勻 等法缺口 前脚鋪下若推出右指彎弓緊扣弦兩臂 大指靠定血盆骨為進凡鏃與犯齊為獨半犯之 一指知箭配外覷帖侧手引箭至 一硝畫地下硝傅右膊後手仰脫 PE

畫鞋後靠脊極力遣出猶自然 力倍勁缺日硝去猶如獨斷把箭發應同燃折弦前硝 極力應後肘過肋倍後手向後前手猛分虎口着力向 捲弦入硝後箭兩手相迎直右手過自曲左手捲強以 下急捺轉脫以第四第五指緊鉤弓死兩肩凸出則箭

手貼肘以左手第二第三指側手羈翰直右手上臂仰

左第二指取箭前脚跟着地聲身稍欽雙眼覷帖曲方

次定四車全書 一

和編

箭已中時無動手抹羽入答法如前 金りで 弓有六善 正凡弓性體少則易張而壽但患其不勁欲其勁者妙 射力不屈四者寒暑力一五者強聲清實六者 然後傅角與筋此兩法所以為筋也凡弓節短則和 在治筋凡筋生長一 吻虚 尺然後用則筋力已盡無復伸強又揉其材令仰 調 P) 上二十 無力節長則建而在來節謂把稍神木挑過節長則建而在柱間挽過咳則木 者性體少而勁二者太和而有力三者 尺乾則減半以膠湯濡而極之復 巻ハナ六 强 張便 而

則勁强而難挽射久天暑則弱而不勝失則勝之為病也 たこり事人はかり 五御 凡膠欲薄而筋力盡强弱任筋而不任膠此所以射久力 虚節得中則和而有力仍於聲清實凡弓初射與天寒短則節得中則和而有力仍於聲清實凡弓初射與天寒 不压寒暑力一也弓所以為正者材也相材之法視其理其 不因矯揉而直中繩則張而不跛此方人之所當知也 赐 舞交衝折還之節 和鸞疾徐之節 稈編 過君表作止之節 逐水曲周還之節 三声四

北方之 あらせんろ言 庖議網署之制限防周起障塞流決有似夏后治水之 明德也基有白黑陰陽分也駢羅列布效天文也四角 陳行之在人 園横行田單之奇要厄 奕 孔有闕頹壞不振有似瓠子泛濫之敗作伏設 奕旨 、謂暴為变局必方正象地則也道必正直 八蓋王政也或虚設總置以自衛護蓋於 卷八十六 相劫割地取償蘇張之資祭 班 固 訴

問爽之原於或人或人曰堯教丹朱征丹朱作為是信 治中有五霸之權下有戰國之事覽其得失古今略備 固有其道馬皮子曰夫奕之為藝也彼謀既失我謀先 其遠必先攻近許也勝之勢不城池而金湯馬負之勢 補續雖敗不亡繆公之智上有天地之象次有帝王之 これのはとれる 分有勝恕而不誅周丈之德逡巡儒行保角依旁却自)找智既虧彼智乘之害也欲利其內必先攻外欲取 原奕 皮日休 支

害則敗不詐則亡不爭則失不偽則亂是爽之必然也 雖突秋存出必用吾言焉嘗試論之夫堯之有仁義禮 其纖謀少智以著其術用爭勝負哉堯之世三苗不服 得彼失此如蘇秦之合從陳軫之游說偽也若然者不 麒鮞者然堯不忍加兵而以命舜舜不忍伐而敷之文 以堯之仁苗之慢堯兵而煟之猶羅人殺鵂鶹獻人烹 智信性也如生者必能用手足任耳目者矣豈區區出 不兵甲而奔北馬勝不讓負負不讓勝爭也存此免彼

多方四月全書

巻へ十六

豈曰堯哉豈曰堯哉 作必起自戰國有害許爭偽之道當從橫者流之作矣 **德然後有苗格焉以有苗之慢尚不加兵豈能以害詐** 71.10 m / 1.40 -有四贵者半賤者半贵曰上賤曰下咸旬第一至十 之心爭偽之智用為戰法教其子以伐國哉則变之始 息之者得木局隆其中而規焉其下方以直置基二十 房生直温與余二弟游皆好學余病其確也思所以休 序基 椰絲 柳宗元 丢

書之既而抵戲者二人則視其賤者而賤之貴者而貴 之其使之擊觸也必先賤者不得已而使貴者則皆慄 而輕重若是適近其手而先馬非能擇其善而朱之否 馬脩馬亦鮮克以中其獲也得朱馬則若有餘得墨馬 下者二乃敵一 則若不足余諦視之以思其始則皆類也房子一書之 賤其易彼而敬此遂以遠焉然則若世之所以貴賤人 而墨之也然而上焉而上下焉而下贵焉而贵賤焉而 一用朱墨以别馬房由是取二毫如其第

11多灾四库全書

其善不者數其得於貴者有不氣揚而志蕩者數其得 墨者相去千萬且不啻有敢以二敵其一 於賤者有不稅慢而心肆者數其所謂貴者有敢輕而 能擇其善否者數其敬而易者亦從而動心矣有敢議 者有異房之貴賤於兹暴者數無亦近而先之耳有果 といりはから 徒也觀其始末有似綦者故序 者數所謂賤者有敢避其使之擊觸者數彼朱而 博奕論 押编 者與余墨者 韋弘嗣 美七

蓋聞君子耻當年而功不立疾没世而名不稱故口學 待旦之勞故能隆與周道垂名億載况在臣庶而可以 湖栖運道藝之域且以西伯之聖姬公之才猶有日吳 歲月界之以日力若審越之勤董生之為漸清德義之 名稱之不建也勉精勵操是與夜寐不遑寧息經之以 如不及循恐失之是以古之志士悼年齒之流邁而懼 體契閱勤思平居不情其業窮困不易其素是以下式 已乎歷觀古今功名之士皆有積累殊異之迹勞神苦

|多分口屋/生

精鋭意神迷體倦人事曠而不修實旅闕而不接雖有 行廉耶之意弛而念戾之色發然其所志不出一枰 太牢之饌韶夏之樂不暇存也至或賭及衣物徙暴易 情哉今世之人多不務經術好玩博奕廢事棄業忘寢 立志於耕牧而黄霸受道於囹圄終有榮顯之福以成 與食窮日盡明繼以脂燭當其臨局交爭雌雄未決專 不朽之名故山甫勤於夙夜而吳漢不離公門豈有游 しこうこ シャー 所務不過方野之間勝敵無封爵之賞獲地無兼土

之實使非六藝用非經國立身者不階其術微選者不 博奕之足耽夫然故孝友之行立貞統之名彰也方今 異設木而擊之置石而投之哉且君子之居室也勤身 為名則非仁者之意也而空妨日廢業終無補益是何 非孔氏之門也以變詐為務則非忠信之事也以劫殺 由其道求之於戰陣則非孫吳之倫也考之於道藝則 以致養其在朝也竭命以納忠臨事且猶旰食而何暇 大吳受命海內未平聖朝乾乾務在得人勇略之士則

一致定匹库全書

卷八十六

閔之志也用之於智計是有良平之思也用之於資貨 質博奕矣假令志士移博奕之力用之於詩書是有類 並為博選良材旌簡髦俊設程武之科垂金爵之賞就 受熊虎之任儒雅之徒則處龍鳳之署百行兼包文武 百孰與萬人之將衮龍之服金石之樂足以兼恭局而 移當今之先急也夫一木之枰孰與方國之封枯基: 功惜力以佐明時使名書史籍勲在盟府乃君子之上 干載之嘉會百世之良遇也當世之士宜勉思至道愛

禁侯越著姓自出實楚葉縉雲雖窮遠冠蓋傳界葉心 是有猗頓之富也用之於射御是有將帥之俗也如此 海環流用汝作舟橇開胸出妙義可發聯起蹙詞如太 則功名立而鄙賤遠矣 阿鋒誰敢獨其缺聽之心凛然難者口因哨搏飛欲我 我鍛墮今站站忘情塞上馬適志夢中蝶若金靜無求 大有所潛局高未當發飄飄凌雲意强禦莫能懾辟雅 用韻戲贈葉致遠直講 王安石

銀定匹库全書

卷八十六

一茶圖貼攜持山林展刺趟溝港縣一 靜悄怕堅坐高帖帖未快嚴谷叟斧柯當爛浥超邊 於在得喪聞此更心以熟視龍兩手徐思燃長嚴微吟 樵父弛遠擔牧奴停晏鰪旁觀各技癢竊議兒女躡所 **摺軟然值手敵便與對比災縱横子墮局膈膊聲出環** 忘箑反啞龍襶子但守一經发亡羊等殘生朽筴何足 在治惟所挾載醪但彼感饋漿非我謀經綸安所施有 寓聊自憾恭經看在手暴訣傳滿篾坐尋基勢打側寫 しこり目によう 杯曾自副當熟寧 呈

局縮穿腹愁危業或撞關以及或覷眼而學也 見形勢驅除令遠蹀或開拓疆境欲并包換攝或僅殘 或贏行伺擊或猛出追躡垂成忽破壞中斷俄連接或 尺寸如黑子着屬或橫潰解散如尸僵血喋或慙如告 外示開服代事先和變或冒突超越鼓行令震疊或粗 悔悟乃批頰終朝已罷精既夜未交睫翻然悟且嘆此 亡或喜如獻捷陷敵未且屬報仇方借俠諱輸寧斷頭 何宜初劫孟軻惡妨行陶低懲廢業揚雄有前言韋曜 也服

敏灾四月全書

八! 十 といといいました。本に 如椒爭也實逆德豈如私關怯藝成况窮者此殆天所 陸象山少年時常坐臨安市肆觀暴如是者累日恭下 以此待君子未與回參協操具投諸江道耕而德獵 厭如今割與李倫等安可雖武令取一毫亦乏寸金鑷 曰官人日日來看必是高手願求教一局象山曰未也 仔往牒晋臣抑帝手梭侯何啻涉冶城子爭道拒父乃 日後却來乃買暴 象山棊 稈編 副歸懸之室中卧而仰視之者 羅大經 里

到历四月 全書 兩日忽悟曰此河圖數也遂往與恭工對恭工連頁 精神之威衰耳 局乃起對謝曰某是臨安第一手暴凡來看者皆饒 可日春又甚追春弟又少不速矣凡此皆在其 聰明過人如此其子弟每喜令其看恭當與戶 | 表反饒得某一先天下無敵手矣象山笑 初時與春弟頗不能及今年反出春弟